

vorgeslagener nuwir muncze, dy reichin und bezalen acht alde ß uff den suntag nach corporis Christi, dy denne algereit gegeben und gefallen sint und 7 alde ß uff Michaelis nest komende. Und Jocoff Rostil sal von Mathis Bergknickels gewwistirn, synir muter und synen frunden dorumbe vordir unangereth und unbeteidigit bliben und sullen des gancz gericht, gesunit und geeynt sein, der sachin uff alle teil keyn eynandir czu arge nicht gedengken. Dobei sint gewest dy erinvesten Hans von Salszicz, Hans Rumph, Reynold von Schonfels, Gocze von Gusznicz, Jocoff Summer und dy obgeschriben. Actum vor den phingst heiligen tagen anno domini etc. Lprimo.

a) folgt durchgestrichen uf eyne b) folgt durchgestrichen uff dy andern syten

971.

1453 März 3

Heinz Lebens Erben bekennen Ablösung von Kapital, das beim Rat lag.

fol. 180r Heyncz Leben erben haben bekanth, das Merten Sporrer dy 10 gulden, dy uff dem rathe gestanden sint, von dem rathe abgelost hat und dy oin Feyerabint an der bezalung des huszes vordir reichin und geben sal. Actum sabbato ante oculi anno domini etc. LIII.

972.

1451 Juli 25

Bornich verpfändet sein Haus.

fol. 180v Bornichin hat seyn husz czu werburgen eyngesaczt den unmundigen kinde Lorencz Hoburges vor drey schogk groschin, dy der rath Hoburgis^{a)} swestir uszgegeben hat^{b)} von den sechs ß gr, dy sy ynne hatten und bey den rath geleit sint. Etiam hat Bornichen seyn husz czu werburgen eyngesaczt vor 3 ß minus 2 gr keyn Petir Herdir, daz er und seyn swiger von Hoburgus weyn eyngenomen haben. Actum dominica Jacobi anno domini etc. LI^o.

a) am linken Rand, ersetzt durchgestrich synir b) folgt durchgestrichen daz der rath

973.

1451 Juli 25

Nickel Pulz zu Goppirsdorff und der alde Gießeler zu Burgkirsdorff übernehmen eine Bürgschaft.

fol. 188v Sulchir vorsaczunge, dy Bornichin mit seyn husze vor dy were gethan hat, haben Nickel Pulcz czu Goppirsdorff und der alde Gieszeler czu